

QUÆSTIO MEDICA.

*Quodlibetariis disputationibus manè discutienda in Scholis
Medicorum, die Jovis vigesima Novembris 1710.*

M. JOANNE BAPTISTA MONGIN,
Doctore Medico, Præside.

An vis liquidorum à Salibus?

I.

NATURÆ indagatoribus nihil minùs obvium, quàm quod intra nos geritur. Hujus scientiam qui se putat nosse, minuit; qui non vult minuire, non novit: scrutando illius opera, eò per-
venisse ut quàm proximè ad veritatem accedere liceat, votorum
summa, antiquorum labor, Neotericorum felicitas. Quot retro
abiire sæcula, quibus omnis Physicorum Medicorumque gens, cùm
circa solidarum humani corporis partium *οὐραξιν*, tum circa liquo-
res qui ejus tubulos permeant, vix manifesti quidquam enucleavit.
Elementorum quadriga, idea qualitatum, temperamentorum men-
sura, obscuræ veteris Medicinæ hypotheses: hæc veluti per manus
tradita opinio, omnium animos usque dum occuparet, ni Chymici
clariora detexissent; cave ne barbaris vocibus *Gas*, *Archei*, *alkaest*,
decipiaris. Sequere sapientiores, qui in indagandis naturæ operibus,
apertiore viam tenuere. Ex omnium fermè corporum analysi,
sensibus obvia principia sal, sulphur, aquam, & terram educunt:
ope multiplicis illius, quam servant inter se rationis, patent quæ
priùs abdita latuere. In ipsa fluidorum humani corporis analysi, sales
sunt stupendæ cùm virtutis, tum mobilitatis, aquæ permixti in mo-
tus concitatissimos erumpunt; hi fermentationis & effervescentiæ
nominibus insigniuntur; inde, collige illos esse diversæ speciei ac fi-
guræ; solidi qui aliorum poros subeunt, & in acumen desinunt,
acidi dicuntur; qui poris pervii sunt, quorum multò tenuiora, ma-
gisque ab invicem sejuncta acumina, his alkali nomen imponitur:
disce ex anatome, è diversâ tubulorum, sensus exquisitissimi, textura,
& quamlibet in partem facillimè mobilium, humanum corpus coa-
luisse. Tum ex locupletissimo Chymix penu deprompta, anatomi-
cis observationibus consociando, non perperam asseres, intestinos
liquidorum motus in hunc finem esse ab ipsa natura institutos, ut
si quid impuri aut heterogenei foret admixtum, hac ratione elimina-
retur: hincque figuras & activitatem salium, inde verò fibrarum hu-
mani corporis mobilitatem, acerrimumque sensum, simul ad mira-

biles naturæ humanæ effectus eliciendos, conferre. Non igitur abſque ratione dicitur, vim fluidorum humani corporis ab eorum fermentatione, & in ipſa ſolida actione, eſſe repetendam.

I I.

SIMPLICES frigoris, caloris, humiditatis & ſiccitatis qualitates, in medendo deſpexere antiquorum nonnulli. Hypocrates ab acido, amaro, acri, acerbo, & ſexcentis ejuſmodi, morborum cauſas repetit. Chymici à ſalibus odorum & ſaporum differentias, deducunt; qui diverſi, pro variis illorum figuris ac principiis, quibus permilcentur; abſque liquorum permixtione prorſus inertes. Diverſa illorum actio pro varietate figurarum & molis, ubi ſui juris ſunt: nec antè quieſcunt quàm aut ſimul coierint, aut obſtantium ſuæ conjunctioni corporum, partes in inum deturbarint, dederintque præcipites. Ex hoc conflictu, ſalium quorum partes conſonant ſocietas, & præcipitatio corporum, quorum figura cum ſalibus minimè congruit, quæque pari mole, quibus innatant fluidis, præponderant. Hanc legem cùm reliqua, tum maximè humanum corpus patitur. Ubique conjunctio, ubique diſſolutio. Ad nutritionem corporis & reſtaurationem requiritur ſuccorum, quibus irroratur, tenuitas & figura, quæ quoſlibet poros, quoſcumque tubulorum diametros poſſet pervadere, quò liquorum ſecretiones fierent. Hi effectus à fermentatione repetendi. Quis de his ambigendi locus, niſi apud eos qui, poſtpoſitis fermentationibus, trituram ac levigationem foverit? Qui concipi poteſt, quâ ratione ſanguis à corruptis & heterogeneis partibus ſeſe expedire poſſit abſque præcipitatione, quæ præviam habet fermentationem? Fermentatio naturæ instrumentum ad corporis humani tutelam & conſervationem; ad ipſam non parum conſert trituration. Quid aliud impetus ſolidorum in liquida? At quæ motuum ipſorum cauſa & occaſio? Eam non aliter aſſequeris, quàm ſolidorum intellecto ſitu, fibrarumque elatiçâ virtute, quibus in præſtitutos ſibi motus facillimè erumpunt: atqui ambo inertes remanerent, niſi aliunde moverentur. Illud porro agens ipſi ſunt ſales in liquidis contenti, qui dum ſibi ipſis intra fibras motrices occurrunt, fermentationem ineunt; hinc earum contractio & ſolidorum motus.

III.

QUI ignis ope educuntur ſales, à natura ſua nonnihil deficere conſtat. Numne ex braſſica, & ſolano furioſo idem ſal chymica dat analyſis? At hoc veneni, illa verò alimenti rationem obſtinet; pro diverſis ignis gradibus diverſi, ex eodem vino, ſpiritus eliciuntur. At qualeſcumque ſint ejuſmodi mutationes, diverſos in plantis ſales ne exiſtumes. Plantæ ex ipſis terræ viſceribus idem ſal mutuuntur, illud certâ aquæ quantitate diſſolutum, ejus ſubie

canales. Pro diversa plantæ textura & solo, quamquam dissimili formâ, semper idem. Salis partes essentielles non obnoxie alterationi, præterquam larvata mutationi, à varia principiorum mixtione procedenti. Sal ab admixtis principiis expeditum, pristino statui & energię restituitur. Hinc colligere est, sales qui ab ipsis alimentis in nostros disperguntur liquores, ab essentialibus non discrepare, & quamquam variè modificati, omnes quæ in nobis deprehenduntur alterationes, ab ipsis ortum ducere. Sed quale sit illud salis genus, quodnam præclarum illud *Alkaest*, quod tot miracula naturæ patranti præsto est? Plurimi de chymia assiduis laboribus bene meriti, hîc à scopo longè declinavere, qui infinitas propè salium species excogitarunt. Quasi verò unum ubique naturæ sal, sed pro variis, in quibus reperitur mixtis, variè modificatum, diversas species constitueret. Quid enim naturæ legibus & veritati magis consentaneum, infinitos diversi generis effectus, uno eodemque instrumento produci? Porro tam simplex illud principium, nihil aliud est, quàm sal acidum, quod pro crassiore tenuioreve mole, majori aut minori copiâ, magis minùsve aquâ solutum, à terrestribus pinguibusque corporibus irretitum aut expeditum; denique pro gradu celeritatis, quo in aliud impingit, innumera gignit phænomena.

I V.

IN ventriculo tenue quoddam & actuosum est, quo Chylosis absolvitur. Omnigenos agit cibos, nullo discrimine dissolvit, præcipuum est in promovendis liquorum fermentationibus instrumentum. Primaria sanitatis & morbi causa: quandiu æquâ ratione cum balsamicis alimentorum succis permiscetur, corporis liquores congruenti inter se diathesi donantur. Corpus vegetum est, & bonâ fruitur valetudine: ubi ab unctuosius, quibus cohibebatur substantiis, se proripuit, aut nimia phlegmatis copiâ, nimiove premitur viscosæ materiæ pondere, tum nulli non morborum generi obnoxium efficitur. Quidquid salibus coërcendis, ubi in motus vehementiores ruunt, aut viribus iisdem addendis, ubi sopiti jacent, confert, illud corporis statum aut immutat, aut pristinæ sanitati restituit. Quorsum itaque tam simplex, tam cuilibet obvia, à plerisque doctrina exploditur? Ipsamet vera per se trituration, absque fermentationis systemate stare nequit: ex diversis corporis liquoribus prodeunt sapes, ergo illos sale diversè molis imprægnari, censendum est. Hæc opinio aliam excipit, nempe diversas salis species, diversis operibus perficiendis, esse destinatas. Sales in ventriculo stagnantes acuminati sunt, penetrantes & aliquâ mole donati; inde liquet eos dissolvendis alimentis esse comparatos. In sanguine multo sunt tenuiores, minùsque crassitiei obtinere intelliguntur, ut tubuli, quibus continentur,

serventur incolumes ; nec à vehementioribus salium mucronibus convellantur. Quorsum autem hæc liquorum fermentatio, nisi ut, hac arte, liquores ab heterogeneis partibus sese expediant, idoneique fiant, qui per vasorum diametros progrediantur ? Cur fibras sales perpetuò subeunt, nisi ut solida variis motibus concutiant ? Alium in usum systoles & dyastoles motum natura invexit, quàm ut inclusi tubulis liquores, quoquo versus & in remotissimas corporis regiones diffundantur ? Hinc igitur concludendum, eos solos ad veritatem & naturæ ipsius motuum cognitionem accedere, qui cum fermentatione triturationem putant esse confociandam.

V.

TRITURA inchoari liquida, perfici fermentatione, à salibus vim mutuari, suadet ratio, probat analysis, evincit tot experimentorum notitia. Attritu solida franguntur ac liquefcunt, liquida ebullitione depurgantur, ipsa absque salibus plerumque sunt inertia. Menstrua quò falsiora, in solidiora corpora vehementiùs agunt. His tribus, liquores qui corpus alluunt, suam referunt originem. Levigatione sanguini mollietates conciliatur ; sincerus evadit fermentationis ope, idoneo salium commensu, amica dulcitus ipsi conciliatur. Ab hoc symmetro quò plus recedit, eò plures in ipso evolvuntur sales. Quot sales, tot sapores, diversi pro illorum diversitate effectus. Horum quamquam infinitæ species Principi Medicorum habeantur, si ad duos ordines revocaveris, à scopo non aberrabis. Ut odores omnes referuntur ad suaveolentes & fetentes ; ita sapores ad classès acidorum & salso-acrium referendi. Ad saporem acidum, acerbis & austeris ; ad salso-acrem, non solum acris-aromaticis, sed & amaris & lixivius. His quasi medius dulcis, salso-muriaticus ex utroque exurgit. Omnes ex uno eodem fonte, nempè acido sale, variant pro diversa illius cum aliis principiis conjunctione. Pro vario illius gradu, major illorum vis, quæ quò plus delitescit in liquoribus, eò magis obscurior.

Ergo vis liquidorum à Salibus.

Domini Doctores disputaturi.

M. Philipp. Bernard de Bergary: rei herbaria Professor.

M. Jacob. Simon Gilles de la Riviere.

M. Ludovicus Lemery, à Regiâ Scientiarum Academia.

M. Petrus le Tonnellier.

M. Joannes Gaillard.

M. Matthæus Dion. Fournier.

M. Joannes Daval.

M. Bertinus Sim. Dienxiwoye.

M. Joannes Boudin, Regi à

Sanctioribus Consiliis & Reverentissimi Delphini Medicus Primarius.

Proponebat JOAN. BAPT. SILVA Burdigalensis, Baccalaureus Medicus,
A. R. S. H. 1710.

Parisiis, apud viduam Francisci Muguet Typographi Regis. 1710.